

CC-0

*Incunabula*  
*Historia*  
*Vitae Pontificum Romanorum. cross. 4*  
*Alexander VI. Pont. Max.*

*Incun. 36.*

*Catanei Jo. Lucidus Ad Alexan-*  
*dram VI. Oratio. habita*  
*Romae 1492.*

*Hain. Repert. bibl. N. 4,684.*

*GW 6217 (Hist. 112)*

*Inc. Qu. 36.*

XIV. 4. 41 k



Io. Lucidi Catanei. v. iu. doctoris Archidiaconi  
ac Consiliarii Marchionalis Mantuani & ora-  
toris ad Alexandrum. vi. Ponti. maxi. Oratio.



Odierno die humeris meis bonus illud im-  
positum uideo Alexander summe ac meri-  
tissime Pontifex: cui non modo meum uerū  
etiam uberrimā priscorum ingenia uix respō-  
dere possent: presertim cum apud sanctitatē tuam in tam  
florenti splendidissimog; consensu sim uerba facturus.  
Decet enim ut qui arduis de rebus cōsummatorum homi-  
num presentia dicturi sunt: ipsi quidē quoq; uel ob prom-  
ptitudinē ingenii: uel ob eloquentie lacteam & copiosam  
uim propterea delecti habeantur: & reuera sint maximi.  
Et si pleriq; (sacro semper ordine circūscripto) grandia ut  
inquit Hieronimus uerba trutinantes censorio Aristarchi  
obelisco errores acrius fortassis & acutius iudicent q̄ di-  
scernant: quo fit ut etiā qui dexterrime & cōdigno lepo-  
re orandi munus obierint: expectatione tamen auditorū  
ancipitiq; euentu actionis titubantes fere in ordiēda ora-  
tione turbentur ac pertimescant: quod summis oratori-  
bus & Philosophis usū aliquādo euenisse compertum est.  
Nam Theopraustus in Senatu Atheniensi sermonem ha-  
biturus obmutuit. L. Crassus paternam ulturus iniuriam  
nec uerbum quidem emittere potuit. Demostheni apud  
Philipum Alexandri patrem idem contigit. Cicero autē  
pro Milone causam dicturus ita expauit ut magis insipiv-  
de nunq̄ orauit. Hec igitur mecum repetens qui ueris di-  
scertissimis interdum euenere: quid animi esse mihi cen-  
ses. Cum tam paruo nauigio amplum & horrendum ma-  
re ingredi: nisi obtemperādi necessitas quę apud omnes  
meritam efferre debet excusationem: Et excellens tua be-  
nignitas ac peculiaris mansuetudo: quam nuperrime in ur-  
be Roma coram ipse de te expertus sum me reficerēt &



adhortarentur: quibus potissimum Ducibus & adiutricibus uela uentis securus permittēs: prosperos orationi mee successus imprecabor. Erit namq; deo immortalī annuente sermonis origo q̄ illustrissimus Princeps Marchio Mātuani. ut est celsitudinis summorum Pontificum & sacri Senatus apostolici ac Romane ecclesie obseruandissimus ita audito iucundissimo nuntio quo intellexit sine certamine & incredibili patrum consensu qbus cure fuit optimū antistitem deligere. Ad sūmum te Pontificatus fastigium diuinitus tanq̄ Aaron electū miranda supra quā dicti possit leticia affectus est adeo ut uiuierlo populo in Rege suo exultante ad non uulgaria gaudii signa excitato dies festos egerit & arbitramur creberrimos ignium splendores & periucundos campanarum omnium novstrarum tinnitus ceteraq; in sui genere clangores & sonitus amenissimos reddentia: ad finitima queq; loca penetrasse. Ceterum tante exultationis ratio haberetur ac ut priuatum mēis sue de te iudicium affectum simul & obseruantiam in sanctam sedem apostolicam testaretur: nos tres genibus tuis aduolutos ad te uenerā. sanctissimosq; pedes tuos deosculā. inclytus Princeps noster dominus. S. fratrem anime dimidium sue Alexandrum Sansueri natem nobilissimum: ineq; fidelem achatem suum Oratores transmisit. Iussis itaq; obtemperantes tuis potissimū rationibus tue denūtiamus maiestati: amabilem deo Principem nostrum de tuo summo pontificatu mirum inmodum letantem: nos ad te misisse. Prima: ut pro uetusto suorum progenitorum more & debito recognitionis beatitudinem tuam recenter assumptam adoremus ac ueneremur. Proxima deinde causa equidem honestissima fuit: ut notum faciamus neminem aliū hac etate Ponti. maximi designari potuisse cui securiusq; & firmitus ouilis dominici cura crederetur. Nouissima describenda succurret ut christiani nominis tutelam tue pietati sponte cur



renti maiori quo possumus studio commendatam redda-  
 mus. Te igitur celestis aule ianitorem eterne uite clauige-  
 rum: indubitatum Petri successorem: domini nostri Iesu  
 christi uicarium: patrem uniuersorum fidelium: & eccle-  
 sie totius magistrum recognoscimus. Te sanctorum euan-  
 geliorum interpretem delictorum errorūq; omnium cul-  
 pa & criminum expiatorē simul & emendatorē profite-  
 mur. Tibi supremi rerū oīum opificis potestas in terris cō-  
 cessa est. Te supra mortalē conditionē honoribus merito  
 prosequuntur non solū Reges & Principes colla submitte-  
 tes: uerum etiā Imperatores Augusti apud quos sūma est  
 tēporalis ditionis. Illo enim nomine insignitus es quo te  
 dñs Iesus xp̄s ex facundissimo Leonis Pontificis max. san-  
 cri dogmate nominari uoluit ut ineffabili munere eterni  
 templi edificationem in beati Petri & successorum solidi-  
 tate consistentem ostenderet. Inquiens: Beatus es Simon  
 Bariona quia caro & sanguis non reuelauit tibi sed pater  
 meus qui est in celis. Et ego dico tibi quia tu es Petrus &  
 super hanc petram edificabo ecclesiā meam & porte in-  
 feri (ut uerbis saluatoris inherere non preualebunt aduer-  
 sus eam. Succurrit etiā ueteris testimonii scriptura & Gre-  
 gorii uiri nomine & re in eadem potestate ad Maritimum  
 epistola qui bus cōprobatur sacerdotē tum angelum tum  
 deū ab ipso gloriosissimo mundi conditore sepenumero  
 appellari. Que si de his qui tibi ministrant ac ueluti mem-  
 bra capiti inseruiūt & si eos constitutos super homines &  
 imperia Hieremias ppheta testatur. Si pontificalis hec  
 dignitas Rome quo tempore uana religio uigebat magno  
 in culmine & pretio fuit ut antiqui historiarum codices  
 indicant. Multo magis pontifex eminentissime tua po-  
 testas ab uniuersis fidelibus existimanda est cum nō ficta  
 sed uera ac infallibili dei ordinatione tu solus sis qui mini-  
 sterio iōcōpinabili ligādi: & soluēdi in terris retines faculta-  
 tē erratis nostris salutē ipartien. Vnde offert se nobis se-



cunde transmissionis nostre tam breui sermone per cur-  
rende: ut fateamur ingenuè ad hunc te locum humano  
fastigio angustiore: ad tam insignia Reipu. gubernacula  
Alexan. Pont. amplissime: non humano solum: sed diu-  
no etiam consilio ueluti saluberrimū sydus prouectum &  
sullatum. Sacroq; apostolico senatui qui te delegit: ac tue  
claritati que demandatum munus subiit plurimum se de-  
bere constituimus. Verū tamen de tuo summo sacerdotio  
aptius dicere nequeo nec ydoneo magis auctore uti q̃ q̃  
indelebilis memorie Calixtus tertius auunculus tibi fuit.  
Cuius uita sic produit in lucem ut omnibus innotescat q̃  
maturum sensum ante annos presetulerit. Quam acut-  
us & memoriosus disputator in solemnī Gymnasio cogni-  
tus fuerit: ut breui doctor ciuilis & pontifici iuris factus:  
ipse ceteros palam edocuerit. Quam fidus etiam emi-  
nensq; Regum consiliarius: in dandis etenim consiliis fi-  
dem ac religionem: In capiendo prudentiam summam  
exhibebat. Quam affabilis ī magistratibus & rectissimus  
iudex. Quam deuotus in ecclesia presbyter uigilans epi-  
scopus. Quam uerus & prouidus Cardinalis. Quam ca-  
tholicus & incorruptus Pontifex maximus: quo factum  
est ut cum ob excellentes animi tui dotes & eximia in eū  
obseruantia: quibusdam insignibus titulis: Bononie sacris  
te canonibus enixe incumbentem decorasset. Postremo  
sancte Romane ecclesie Cardinalem creauit. Senatui apo-  
stolico ascripsit & erexit ī Cardinem columnam que erat  
in montem excelsum procedente tempore euasura. Tu  
enim pater beatissime qui pontifices mirabili tua animo-  
rum scrutatione prouidentia & dexteritate creare cōsue-  
uisti: nunc celebri uirtute tua solerti ingenio quo supra om-  
nem ceterorum aleam consistis: eximiaq; omnes generis  
uirtutum dote ad sublime hoc solium iter tibi struxisti. Et  
licet plurima sint per que hominibus aditus paratur ad  
gloriam. Illud est tamen precipuum quo uiri graues alio-



rum commoda & salutem procurant. Nam nulla re alia  
propius homines ad deum accedere creditur q̄ iuxta Ci  
ceronis sententiam salutem ipsam hominibus querendo.  
Nullum quippe genus omisit p̄ hos annos plurimos quib  
bus celeberrimo Cardinalis officio functus es: cui pro fa  
cultate tua & necessitate nō sis opitulatus: & omni studio  
presso fueris: elus: aloris: in edie: uigiliarum patientissi  
mus. Adeo ut plures etiam calamitosos aut iniuria laceSSI  
tos magno siue humili loco natos: innata beneficētia tua  
& amplissimis meritis ante indictionem Alexandri nov  
men usurpās reddideris honestatos. Ex apostoli quoq; sen  
tentia qui caritatem magna laude ceteris animi bonis pre  
ferendam censuit. Multa insuper prudentissime saluberr  
mis tuis monitis & grauib; consiliis sunt publice sancto  
ta & decreta: he te uirtutes ad sumum pōtificatum extur  
lere. he eternitatis uiam tibi apperuerunt nec ad hanc na  
uiculam Petri regendam que infeliciter submergitur de  
lectus nunc esses: nisi uir omni ex parte probatissimus di  
noscereris: cum non temporis memento: sed octo ferme  
lustris maiora queq; munera & legationes de latere obe  
undo: sapienter: pie: grauit̄: atq; iustissime circa res apo  
stolicas uersatus sis: nil omittēdo qđ in his enucleandis fo  
ret uel acriter impugnandum uel prouide statuendum.  
Sententias etiam graues in premeditato sermone in Gor  
gie Leontini consuetudinem sepiissime discutiens: ita ut  
ex longiori cogitatione uenisse iudicareris. Regium pro  
fecto ac pulcherrimum erat: cernere te semper ingenio  
presentem grata ac suauissima uocis & oris concinnitate  
ex Homeri in Nestorem eloquio dulcissime tonantē ex  
quisitis & ornatis uerbis: latino siue materno ideomate  
nostro resplendentem in subiectu copiosum: causasq; om  
nes memoriter aperientē. Memoriam enī per opportunū  
homini bonum precipua gerendorum exercitatione exi  
miam (ne dixerim) profundam ostendisti. Nam si pro bo



nis ecclesie conseruandis & amplificandis quicquam li-  
brandum contingebat ad te ut alterum in tridatam uigin-  
ti duabus linguis iura reddentem incessabili tempore &  
saluberrime acurrebatur. Propterea cum gestis propriis  
clarissim<sup>9</sup> eluceas: & infinita ac pene diuina bona tua equo  
preconio intonare nequirem: tantomagis quia & si cun-  
cta mei corporis membra in linguas uerteretur: omnesq;  
artus humana uoce resonarent: ea prout deceret recense-  
re: opis mee non esset. Institui non exarare plurima que  
de patria tua bellicosissimar & insigni de progenie atq;  
nobilitate & prosapia stemmata: ac longum sanguinis or-  
dinem concernente decantanda forent quibus adeo in-  
caluisti ut que ex illis incrementa hauseris cumulationora  
impendere uolueris. Superest ultimum sermonis mem-  
brum explicare. Quod est ut eminentissima necnon ma-  
gnificentissima tua dignitas altiores in te enutriat cogita-  
tus & sicuti preclara in Cardinalatu edidisti facinora. Ita  
in Pontificatu maximo sublimius a te quoddam efflagita-  
mus. Eleua ergo mentem pontifex excelsae & preconia  
tua iam parta correspondenti certamine supera. Solet naq;  
prouincia Hispanie nobilissima unde tibi origo est inge-  
niosos uiros atq; in omni uirtutum colere iucundissimos  
producere: quibus arguitur confirmata magis & perspi-  
cua apparere inditia promotionem tuam adeo ipsam ce-  
lebratam ut homo Hispanus excellentioribus nature do-  
nis ornatus monarcha christiane religionis crearetur.  
Quo adiutorio altissimi & inuictissimi Reges tui bone-  
fissimum bellum aduersus Mauros grandi impensa ma-  
gnisq; apparatibus gloriosissime perfectum & de hostibus  
triumphatum non minori pietati & fortitudine cōtra re-  
liquos infideles transferatur. Quia in eo ualidius & con-  
stantius rem sis adiuturus quo te preter religionis nostre  
causam que tibi precipua esse debet & dulcis amor patrie  
ad ipsam te uehementius impellit. Sint ante oculos tot i



gnes Ciuitates Imperia & regna a seuissimis fidei nostre  
hostibus praeuersionis cultoribus cum inenarrabili  
dedecore nostro & detrimento occupata. Nam & si plex  
riq; sanctissimi antecessores tui indefinenter clamauerint  
immanissimam Paganorum feritatem ut omnes uisitato co  
prehendam uocabulo ad interiora nostra nisi occurrere  
tur penetraturam Calixtus tamen siccis nunq; oculis no  
minandus de tuendo regno christi amodum sollicitus  
emisso ante apostolatum uoto indictoq; sibi diuina inspi  
ratione Calixti nomine tabellis domesticis de manu pro  
pria (ut legitur) annotato dum ad inferiores ecclesiasticos  
ordines gradatim sua probitate deuectus pontificium mu  
nus prelagiret salutaribus monitionibus excitare uniuersam  
dei plebem tanto anxius est opere ut q; plurium Ger  
manie & Pannonie populorum crucem domini pro ue  
xillo gestantium auxilium & suffragiis ceteris inconsultes  
is in sedibus quiete manentibus diuino adiutorio maio  
res ipsorum copie apud Belgradum fuisse ac profulgare fu  
erint. Eratq; ei mens firmiter uires experiri nisi ipsum im  
matura mors deprehendisset. Nunc autem non ridicu  
lum non superuacaneum esset cursum remanisci: imo cala  
mitosum est dicere miserrimum audire luctuosissimum  
intelligere tremendum cernere iamq; animus memisse  
horret luctusq; refugit. Quantum interea uires illorum  
inualuerint quot prouintie dirrepte & afflictæ iaceant.  
Christianis nephario scelere captiuis trucidatis aut palo  
transfixis. Fidei uero matronarum uirginum sexus nulla  
habita ratio. Religiosi uilissime ac inhumanissime retro  
suppliti genere ex carnificati memorabilia sanctorum tem  
pla presertim Patriarchales sedes & reliqua sacraria pollu  
ta atrita fedata & ad nostram derisionem quocunq; pro  
bri signo Barbarico furore maculata. Et si quid ab infidelibus  
illegum preservari uidetur id questus tantum non reli  
gionis zelo ut domini nostri Iesu christi sepulchrum uene



ratur dignissimum nec contenti tantas nobis clades intulisse. ingentem & formidandam classē superioribus litru xere diebus ad perniciem extremumq; interitum nostrū ut neminem lateat proditorie destinatam. Ceterum cum antiqua uulnera infelicem atrocemq; exitum incendia. Cedēs & incommoda deplorare non sit futuro providere discrimini quod imminet Romane ecclesie omnium fidelium matri & beatorum apostolorum Petri & Pauli martirio dedicate. Ideo beatissime pater attolle animo & pastoralis officii in hoc & plerisq; aliis summam & celerem exigentibus opem (ut par est) suscipe: ouile saluatoris pascē: dominicum gregem foue: protege: & omni conatu christianos principes pacificos contine: ne ex discordia siue iniuria oues christi fideles Barbaris moribus passim deuorentur. Pastor enim bonus animam suam ponit pro ouibus suis. Te opportune rebus admodum fessis exhibe Auunculi tui piissimi uotum & propositum (ut teneris) perface. Manent tibi ingenium & prouidentia maxima in cunctis agendis modo adsit studium & industria uoluntas. Non deficient in tempore precipui suffragatores. Habes in tua ditione strenuum Imperatoris Turchorum fratrem Innocentii octauī Pontificatu. Sed tuo etiam consilio saluberrimo partam: quod inter preclara ueterum monumenta enumerandum est. Illum si pro Republica christiana tentandum censuris ocio torpescere non permittas Memorare queso uariis ipsum insidiis exagitari: & nature procellis suppositum esse. Vniuersi Principes christiani & populi religionis nostre erunt tibi adiumento incessanti si operam te nauare reuera intellexerint. Cui pro tua bonitate maxima & uigilantia te minime defuturum sibi ipsis non mediocri spe cordibus suis iniecta repromittunt. Vidisti etiam biennio ab hinc frequentissimum super hoc Legatorum conuentum: te subministrante & etiam consulente Rome actum & habitum.

In quo & si pro excellentissimo domino meo agens omnibus requisitis promptus suo nomine fuerim. Attamen ut lucidissimum nostre fidei speculum : denuo in hanc causam se se ipsum : & suas etiā quantulecūq; sint facultates artes : opida : arma : clientelas : & si quid ultra fata congessere in manu tua deuotissime ponit. Et maiora re ipsa quam uerbis se facturum pollicetur. Clarissimus & enim Marchio noster militari robore insignis ceu belli fulmen cum ualido pro uirili parte exercitu delectis corporis in expeditionem se conferre non dubitauit : ne a suo & maiorum in sanctam apostolicam sedem instituto aliqua ex parte declinare uideatur : qui multis & amplioribus ab illa beneficiis honestati : utpote centuplum pro simplo maxime reportantes : adeo eidem semper deditissimi fuere : ut fluctuanti nauicule domi forisq; opem ferre ex dubio non cessauerint urgentissimis rationibus que in iure dominandi animos auertere potuissent polipolitatis : nam ex ceteris pontifices plurimi ad eos sua benignitate fiducialiter aplicantes perbenigne ac excepti fuere. Leo Tertius ab urbe discedens Mantuam profectus ad salutandum preciosissimum redemptoris nostri sanguinem in ara crucis effusum iucundissime suscipitur. Et multa cum Carolo magno ad quem se contulit tractare tunc nō pretermisit. particula nobilissimi cruoris singulari reuerentia ad ecclesiam Lateranensem transmissa. Alexander uero Secundus suadente etiam Heinricho Imperatore tertio : Mantuanum solum ut sedi apostolice obsequentissimum delegit. Vbi consilio inito ex sententiaq; solutus : Cadolo Parmense Episcopo pro antipapa se gerente depositus Alexander legitimus & uerus Pontifex fuit declaratus. Et Gotofredus uir illustris Mātue dominus pro eo bis manum conseruit Cadoli copias aduersantes loco cedere cogens & de hostibus opima spolia referens. Ioannes etiam uigesimus tertius Ioannem Franciscum Gon-



zagam in confederationes sibi asciuit. Ad Ladislai Regie  
Vngarie potentissimi exercitum deturbandum: quo aup  
ctore Bononia graui bello pressa: cum ingenti hostiū for  
midine & calamitate liberata extitit. Eoq; tempore Man  
tuanos lares bis inuisit. Et ibi pro eodem ex Italia de  
pellendo qui plurima christianitatis ecclesie loca occupa  
uerat: conuentum maxime egregium celebrauit. Marti  
nus quintus pater omnium supremus rebus ecclesie com  
positis ex constantia Mantuanam se contulit. Vbi memorā  
dum Philipum Mariam Vicecomitem Mediolani Dux  
cem & Pandulphum Malatestam potentissimos non me  
diocriter dissedentes ad gratiam composuit: memorato  
Ioanne Francisco antedicto in eadem utriusq; adhibito.  
Ad hec quoq; exhibet se nobis sanctissimus ille uir religio  
ne & scientie non immerito Pius secundus maximus pon  
tifex: qui Mantuanum conuētum induxit: in quo de com  
muni utilitate cōmunibus christianorum consiliis actum  
saluberrime fuit. Quantum uero comiter per humane  
tute: fideliter religiose affluentibus cunctis ad nature ne  
cessitatem Romana curia fuerit suscepta: amplissimū tue  
beatitudinis exigimus testimonium. Nam & si plurimo  
rum qui iucundissimum fere animum nobiscum egere:  
memoriam q̄ maxime longam teneamus. Tu tamen pa  
ter sancte nostrorū pro tempore principum mentibus ita  
inhesisti: & presentis herois nostri magnis & precipuis in  
nos meritis animo sic infides: ut nominis tui sanctissime  
recordatio dignissimum bonitatis & paterne dilectionis  
specimen sibi & populis suis in domino prebeat: quo fit  
ut: cum artioribus uinculis se tibi deuinctum liberrime fa  
teatur. Is cuius iussu ad te profecti sumus uerbis finem fa  
cientes: iterum Alexander pontifex summe te in supre  
mum antistitem & unicum ecclesie caput colimus uene  
ramur & adoratu prosequimur ac ut optimo & de omni  
bus benemerito & pro opportuno huius sacratissimi soli

Duci gubernatori colla' submittit. Et cum pro coruscanti  
maiestatis tue celsitudine tum pro ueteri in te obseruan-  
tia quicquid dignitatis uiriū cordis ut semel finiam ha-  
bet Franciscus Marchio Mantue liberaliter & non mi-  
nus uere q̄ periucūde in arbitrio tue amplitudinis reponi  
mus & promtissime imperpetuum dedicamus omne per-  
eum. Amen.

Habita Rome coram Alexandro sexto Ponti-  
fice maximo & sacro apostolico Senatu. Die  
quinta Nouembris. Mccccxxxii.





Bibl. Jag.

